

Augsburg, 10. Dezember 1566

An Johannes Crato von Krafftheim

UB Breslau, Ms. 9820 (Rehdigeriana 246), Nr. 325 (fol. 431r-v).

Clarissimo viro, D. Ioanni Cratoni, archiatro Caesareo etc. Domino et amico suo colendo.
Wien.

S. Hodie vesperi et literas E. T. et 30 f. a Ioanne Österreicher accepi, quos meo potius indicio, quām alieno in poculum auratum conferam: quod quoties aspexero, liberalitatis Caesareae memoriam cum recordatione officiorum tuorum summa cum obseruantia et animo gratissimo coniungam. Munus et merito meo et expectatione maius est, cum neque meritus sim neque expectarim quicquam, ac ne oblaturus quidem libellum tam vilem fuerim, nisi mihi E. T. animum addidisset: cui quicquid hoc est muneris non minima ex parte debedo: quaeqūe non grauabitur, vti confido, et Caesareae Maiestati, et generoso D. Harrochio, et si quibus alijs opus fuerit, ea qua debet, reuerentia gratias agere, qua de re et ante paucos dies scripsi, vnaqūe allatis Basilea literis nescio cuius, missis, Cantherum in Italiam esse profectum, significaui. I[oanni] Osterreichero benignè operam suam pollicenti literas tuas ad Pernam, Zwingerum, Cantherum, curandas dedi, desperata mittendi occasione, atque ad Oporinum scripsi, vt mihi significet, quò pecunia Canthero decreta, sit mittenda? Vale. Augustae. Raptim à caena. 10 Decembris 1566.

Hier[nymus] Wolfius T[uus].